

Der. VIII. Titel des andern Tractats

Verpfandung der wyber

vnd Sünen sol nichtig sin.

¶ Were das der Sun sins vatters / oder der man sins wybs / oder hin wider das wyb its mans güt / ichts on irn wille verfarze / solich verpfandung ist nit krefftig.

Vnzimlich pact vnd geding

sollen in verpfandungen nichtig sin.

¶ Wir haben bißher erfahren / das in verfarzung der pfanden / mencher ley vnzimlicher pact angedinge worden / namlich das man die pfande in einer vermeintē zit nit lösen sol / on des schulherren wille / oder es würt gedinge / wo der schuldner nach geschehner erforderung / oder vff das versprochen zil / nit bezale / das das pfande des schulherren eigen / oder ein kouff sye zc. Darumb setzen vnd wollen wir / das solich vnd andre vnzimlich pact / die durch arglistig gesuch erfunden werde / zenichtē syent / Besonder mag der schuldner sin pfand erlösen / wen er wil. Er mag ouch dem gloubiger zū kouffen geben / doch das es durch erber erfahren lüt geschetzt / vñ die übermaß dem schuldner nach billicheit harnß bezale werd. Wo aber der kouff nit statt heert / sol der gloubiger oder schuldher das pfand in selbs nit behalten. Er sol es ouch mit eignem gewalt onerfolge rechtens / nit angriffen noch verkouffen / ob im gleichwol im schuldbüeff nachgelassen wer / das der angriff on rechte beschehen möcht / dan derselb zilß sol nichts gelten / besonder so wen er der schuldner nit lenger wartē wil / mag vnd sol er das vff offner gant nach vnser Statrechte / wie obstat verkouffen lassen.

Ingefürte hab in das bestelt

huß ist verschwigentlich verpfende.

¶ Welcher ein huß vñ geses vmb irtlich gelt bestelt / was er von hußrat / oder andern varenden hab darin für / das ist demihener der das verlyhen hat / vmb den hußzins vnd allen schadfall vnd abgang verschwigentlich verpfende / vnd zū vnderpfand verpflichtet / also das der besteder oder hußwoner / solich hab vß dem huß oder geses / nit veredern sol / es sye dan zūno: der hußzins / vnd ander abgang bezalt / es mag ouch der verlyher nach verschinem zil / wol darumb rechtlich angriffen.